



UGOVOR

o nabavci opreme za nadogradnju ispitnog sistema za turbinska i rotaciona mjerila protoka gasa

KJKP Sarajevogas d.o.o., Sarajevo, Ul. Trg Fadile Odžaković Žute 4, 71000 Sarajevo, BiH
Koga zastupa: Direktor Preduzeća Mr.sc. Nihada Glamoč, dipl.ing.maš.,(u daljem tekstu: Kupac)

«EKO FLUID d.o.o.», Ul. Katalinić Jeretova 14, 10000 Zagreb, HRVATSKA,
Koga zastupa: Direktor Ranko Novaković,(u daljem tekstu: Prodavac)

Član 1.

Predmet ovog Ugovora je nabavka opreme za nadogradnju ispitnog sistema za turbinska i rotaciona mjerila protoka gasa po provedenom otvorenom postupku javne nabavke broj: TD-05-15/19. Prodavac je dostavio ponudu prema specifikaciji Kupca broj SP-OJ04-TD-05-15/19-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost opreme za nadogradnju ispitnog sistema iz člana 1. ovog ugovora bez PDV-a iznosi: **121.420,00 KM (slovima: stotinudvadesetjednahiljadačetiristotinedvadesetKM)**, odnosno **62.081,00 € (slovima: šezdesetdvijehiljadeosamdesetjedan€)** neocarinjeno, a jedinične cijene su specificirane u prilogu ovog Ugovora i čine njegov sastavni dio.

U ugovornu vrijednost iz stava 1. ovog člana su uračunati troškovi transporta do skladišta kupca u PTO Butile, Sarajevo, Bosna i Hercegovina.

Član 3.

Prodavac će opremu iz člana 1. prema specifikaciji SP-OJ04-TD-05-15/19-01, isporučiti, instalirati i pustiti u pogon nakon zaključenja ovog ugovora u roku od **90 dana**.

Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.

Ugovorne strane su saglasne da se kvalitativni i kvantitativni prijem isporučene opreme izvrši od strane ovlaštenih predstavnika svake ugovorne strane.

Član 4.

Prodavac je obavezan da:

- o svom trošku prije isporuke opreme organizuje FAT test u svojim prostorijama za dva uposlenika ugovornog organa u sjedištu proizvođača opreme,
- isporuči opremu u ugovorenom roku,
- izvrši implementaciju i puštanje u pogon isporučene opreme,
- izvrši obuku uposlenika laboratorije nakon implementacije i puštanja u pogon.

Član 5.

Prodavac opreme će u izvršenju ugovora angažovati svoju stručnu ekipu.

Sva lica koja čine stručnu ekipu a izvršavaju predmet ovog Ugovora u ime Prodavca opreme, moraju biti osigurana o trošku Prodavca, za sve povrede na radu i nesreće na poslu.

Kupac neće biti odgovoran za bilo koje odštete ili kompenzacije koje treba isplatiti za bilo kakve povrede osiguranih lica iz prethodnog stava.

Član 6.

Kupac je obavezan da:

- imenuje ovlašteno lice za predstavljanje Kupca na realizaciji ugovora,
- ovjerava račune prodavca robe,
- pruža svu neophodnu pomoć Prodavcu u cilju uspješne realizacije ugovora;
- izvrši plaćanje na način utvrđen ovim Ugovorom.



Član 7.

Obaveza prodavca opreme je da u roku od **petnaest (15) dana** računajući od dana potpisivanja ugovora, dostavi kupcu garanciju za dobro izvršenje posla po ovom ugovoru u iznosu od **10% od vrijednosti ugovora, odnosno u vrijednosti od 12.142,00 KM ili 6.208,10 €**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana.

Ukoliko prodavac opreme obavi sve ugovorene poslove kvalitetno i u roku, kupac će u roku od petnaest (15) dana prodavcu opreme vratiti pomenutu garanciju.

Ukoliko prodavac opreme ne dostavi traženu garanciju po ovom ugovoru u zadanom roku iz stava 1. ovog člana, zaključeni ugovor će se smatrati apsolutno ništavim.

Član 8.

Za isporučenu opremu prodavac daje garanciju na ispravno funkcionisanje iste na period od **24 (slovima: dvadesetčetiri) mjeseca, te garantuje da će u periodu od 10 (deset) godina obezbijediti podršku.**

Član 9.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 10.

Sve službene obavijesti i druge akte koje ugovorne strane upućuju jedna drugoj po osnovu realizacije ovog Ugovora, mogu se vršiti isključivo u pisanom obliku na jednom od službenih jezika u Bosni i Hercegovini, i to na jedan od navedenih načina:

- poštom preporučeno;
- e-mailom na adrese kontakt osoba;
- putem faksa.

Dostavom obavijesti i drugih akata na navedeni način drugoj ugovornoj strani, smatra se da je dostava uredno izvršena danom kada je akt poslan.

Kontakt osobe ispred Kupca su: Ibrahim Busuladžić i Ramiz Čaušević.

Kontakt osoba ispred Prodavca je: Ranjko Novaković.

Član 11.

Prodavac će obračun isporučene opreme vršiti po jediničnim cijenama iz priloga ovom Ugovoru, tek nakon ugradnje iste u puštanja u pogon.

Kupac će plaćanje isporučene opreme izvršiti nakon **45 dana** po prijemu uredno ispostavljene poreski ispravne fakture na transakcijski račun Prodavca navaden na fakturi, nakon što faktura bude ovjerena od strane ovlaštenog uposlenika Kupca.

Član 12.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 13.

Prodavac opreme nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 14.

Ukoliko Kupac u ugovornom roku iz člana 11. ovog ugovora ne plati cijenu za isporučenu opremu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.



Član 15.

Ovaj ugovor se zaključuje na period trajanja do ispunjenja njegove svrhe, ali ne duže od 1 (jedne) godine, računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 16.

Ugovorne strane su saglasne da Izvršilac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 17.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 18.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorena strana zadržava po 2 (dva) primjerka.

Član 19.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:






Direktor, Ranko Novaković

Broj ugovora: _____

Za Kupca:




Direktor Preduzeća, Mr.sc. Nihada Glamoč, dipl.ing.maš.


Izvršni direktor, Mr. Mehmed Mehović

Broj ugovora: 129/19
30-05-2019